



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

XII. De satisfactione, purgatorio, & commemoratione defunctorum.

urn:nbn:de:hbz:466:1-15644

ANNO
CHRISTI
1517. aeterna redemptione inuenta: negari tamen non potest
sacerdos in aeternum secundum ordinem Melchisedech: ac
proinde huius exemplo sacrificium aliquod obtulisse, quod
exteriore panis & vini forma veteri illi Melchisedech obla-
tioni responderet. Erat enim sacerdos Dei altissimi, quod
vtique fecit in suprema coena illa. *Nam accepto pane gratias* Marc. 8.
egit, & fregit, deditque discipulis suis, dicens: Hoc est corpus meum,
quod pro vobis datur: & ab euangelicis sacerdotibus iugi-
semper obseruantia præcepit iterari. Hoc facite, inquit, in Luc. 22.
meam commemorationem. Hoc enim holocaustum, hæc vi-
tæma pro peccato, hæc hostia pacifica, hoc iuge sacrifici-
um, hæc munda (iuxta Missæ nominis Hebraici rationem)
oblatio, quam in omni loco Malachias prædixit offeren-
dam, cum, repudiatis legis antiquæ ceremoniis, ab ortu
solis usque ad occasum magnum esset nomen Domini in
gentibus. Nihil igitur in sacrificiis maius esse potest, quam
corpus & sanguis Christi, nulla potior oblatio. Quain re,
cum vniuersalix ecclesiæ ritu tam aperte consentiunt Ignati-
nus, Irenæus, Cyprianus, Athanasius, Chrysostomus,
ac reliqui posteriores, & Concilia prope innumera: ut qui
contrarium sensisse præsumperit manifestam hære-
eos la-
bem incurrat.

XII.

Vnum illud videmus in primis hactenus obseruatum
ab iis, qui propagandis hæresibus animum intenderint, vt
ea sibi dicenda putent, quæ maxime placitura videantur;
quo prurientes multitudinis aures demulceant, & a seue-
rioribus patrum auertant institutis. Hac ratione Maho-
metica quondam pestis inualuit. Hoc auctoritate Lutherus
plures illaqueat, dum simul cum culpa semper omnem cu-
ijsuis pœnæ temporalis reatum aboleri contendit. Purga-
torium tollit, & quo laicos grauius in clericorum odium ex-
asperet, sacrificia, oblationes, & omnes id genus pro defun-
ctis orationes, recens esse sacerdotum commentum impu-
denter asseuerat. Præuidit enim versutus artifex, nihil esse
quod effreni plebecula possit esse iucundius, quam si facilli-
ma prorsus in cælum prædicetur via, si omnis acerbæ illius
purgatoriæ pœnæ decutiatum metus: si quid habeat, quod
aliquo tandem prætextu sacerdotibus impingat. Ne igi-
tur incautus forte quispiam, vafris huiusmodi blanditiis

Concil. Tom. 34.

M m m m

pelleatus , errorum scopulis illidatur , sacro approbante
provinciali Concilio, firmiter tenendum decretimus , cul-
pa per pœnitentiam abolita, frequenter superesse tempo-
ralis pœna reatum, velut superstites quasdam peccati re-
liquias , quæ per dignos pœnitentiæ fructus veniant expian-
dæ : adeo ut iniquitate & culpa peccati dimissa peccator
adhus pœna temporali sit obnoxius. Hinc murmuranti
aduersus Dominum Israeliticæ plebi, inde David dimissam
primum adulterii noxam scriptura commemorat, pro qua
tamen subinde pœna temporalis irrogata est. Superabun-
dans quidem atque exuberans est Christi satisfactio, cuius
plenitudinem assequimur , dum sicut semel tantum mor-
tuus est , ita semel illi conseperimus per baptismum. Pecca-
ta vero, quæ post baptismum commissa fuerunt, pœnitentia
quidem expiantur, sed quæ morienti Christo non sem-
per configuret. Cum autem huiusmodi pœnae temporalis,
aut venialis tantum peccati reus repente nonnunquam
intereat, de omni verbo etiam otioso rationem redditurus,
nec illi pateat aditus in cælestem illam Ierusalem , in quam
nihil intrat coinquinatum : nec item gehennæ subiaceat;
quippe qui gratiæ sit particeps ac pœnae temporalis tantum
debitor , fit ut primum purgetur ex iis quæ gessit in cor-
pore , saluus tandem aliquando futurus , sic tamen quasi
per ignem: de sua semper interim salute ex remanentibus in
eo fide, spe & caritate, securus. Neque enim ex eorum est
numero, quorum blasphemia non remittitur neque in hoc
sæculo, neque in futuro, quorum superbia ascendit semper:
sed eorum potius, quos sub terra Deo laudem acclamantes
sacer Apocalypsis liber commemorat. Sancta igitur & fa-
lubris est cogitatio pro defunctis exorare, ut a peccatis sol-
uantur. Nec abs re ab apostolis traditum , ut in tremendis
& viuificis mysteriis agatur commemoratio defunctorum.
Sciebant enim illis inde multum contingere lucrum , vti-
litatem multam. Cum igitur tam sanctum apostolorum in-
stitutum, ab initio nascentis ecclesiæ ex sacro Dionysio le-
gamus obseruatum , & in Cabilonensi ac pluribus subinde
Conciliis promulgatum , quisquis Catharorum, Armenio-
rum, Vviclefi, Bohemorum, Lutheri, aut Valdensium ex-
emplo , hos errores cum sacro Constantiensi Concilio non
damnarit, hæreticæ prauitatis pœnas incurrat.

Chrysostomus.

Dionysius
eccl. hie-
rat. cap. 7.
De consecr.
dist. 2. cap.
Vifum.